

修武縣志

一



DS  
793  
H52  
H8254  
1839  
v.1









修上卷歸米



道光己亥鐫

修志  
臨川  
志

本衙藏版



一方之志者其書始見於晉人其例亦真  
粹於晉人隋書經籍志所載如潘岳關中記  
盛宏之荊州記等證以他書所徵引猶可攷  
見其義例惜多不傳傳者惟常璩華陽國志  
耳下至北宋方志之存者周濬乾道臨安志  
周應合景定建康志之類凡十餘家雖未必  
造蹤晉人而體制嚴明攷核精密爾雅以澤  
於古猶有昔賢之遺風焉迨元明以來志乘  
之法漸失其舊矣託於空言荒於實學則失



之疏侈於詞章畧於掌故則失之淫杜譔門  
類以矜標新而不師於古剽襲載記皆爲己  
作而不著其原則失之不根卽世所盛傳前  
明武功朝邑二志亦務爲苟簡至故城舊瀆  
皆棄之如遺不知者以爲典要過古人然非  
篤論也馮荻橋大令宰修武之七年成縣志  
十卷郵以寄余余受而讀之覺若網在綱有  
條不紊地理如大修武小修武及南北西修  
武之目必確指其方隅廢置如南陽山陽廣



世修武諸郡名必刊言其因革舉魏晉隋唐  
以後析置華離版圖錯雜最易混淆者皆使  
之一一則若列眉其他如沿革則變表爲攷  
以廣列案語迺援晉朱育會稽土地記之例  
各體文則消納各門中而不別立卷目迺援  
宋范成大吳郡志之例藝文則載縣人所著  
書篇目而不羅列詩文迺仍遵漢班固前漢  
書之例皆能以復古之深心寓著書之微旨  
焉蓋其知交袁大令叔英金廣文校偶砦一



時之彥而張學博魯巖又博極羣書藏軸至  
二萬卷盡出以資證佐大令集三君子之長  
而總其成故其書獨博而諦是是復北宋以  
前本來面目而不失晉人之遺意者也且余  
嘗徧觀今之爲吏者矣或抗言治術而薄著  
述爲迂儒或競逞詞華而日政事爲弱迹皆  
囿於一偏者耳夫空言無補徒學無權誠難  
當於吏治然非胸羅全史日炳千秋操因時  
制宜之才爲因勢利導之舉則亦徒盡其簿



書錢穀之能事而已果資何識以興利除弊  
與吾民相期於更始也哉今大令著一書猶  
斤斤以古人之繩墨自範則其出身而加民  
者不屑以今人之所爲自畫從可知矣他日  
政成必有卓然高出流輩者余昔嘗權是邑  
惜未及而月卽奉檄以治獄去未及有所爲  
也成余志者將有重望於大令則握管而敘  
此書豈僅爲區區志乘計哉將一爲大令喜  
一爲大令勛也大吏于五日不辭其勞



道光二十年歲次庚子正月下濬兵部侍郎  
兼都察院右副都御史總督河南山東河道  
提督軍務加三級渾源州栗毓美謨督而錄



邑之有志所以備修史者之采擇也志或不  
信史於何徵今之司牧此民者往往於故籍  
中渺所涉歷而在官言官渾然不省訂志之  
爲急卽或淹雅宏通有志於典章文物之紀  
著而簿書期會應接不遑不終怠則中輟焉  
故夫修志之舉得其人難得其人而竝得其  
時尤難坐使通都大邑文獻無徵豈特令斯  
土者之責亦置吏之所愀然動色者也己亥  
秋余膺



簡命來撫中邦攬河山之雄秀覩風俗之醇熙亟

取郡縣諸志而觀其概蓋闕有閒矣方欲與  
一時賢守牧令起墜補亾而修武令馮君以  
新修邑志請余爲序余惟修境延袤幾二百  
里介河朔負太行西扼澤蒲北連燕趙中州  
之要區也地之屬魏屬韓城之建南建北大  
陸別於禹貢清水證於水經疆域糾紛山川  
緯繡名賢懿軌代不乏人軼見異聞頗多可  
采而聿攷舊志其於歷代之沿革廢興文章



政事擇焉未精語焉未詳况自涵濡我

德澤二百年以來田疇戶口之加豐民風物

產之寢盛其有關於

史局揆羅者甚夥失時弗輯後何述焉馮君於

政平訟理之餘慨然以修志是任廣詢耆舊  
博采羣書分訂於博洽諸君子略星野而弗  
詳徵地輿以求實冠以

巡幸

皇德二紀而建置之不可攷者仍從闕疑增



減協宜刪存悉當所謂得其人又得其時者  
豈偶然哉後之蒞斯土者一展卷而曉然於  
政治之所宜風俗之所尚資以爲理獲所措  
施是又余之所厚望也夫

賜進士出身兵部侍郎兼都察院右副都御史巡

撫河南等處地方兼提督銜節制全省軍務  
竝駐防滿營官兵兼理河道武威牛鑑誤



自古帝王遞嬗代有因革損益之殊所亟亟  
焉以導斯民者惟政教而已政教興則風俗  
茂風俗茂則人心固四海雖大卽以一邑之  
治推之裕如也然以椎魯之氓不明示以疆  
域里居之制則易淆不詳定其田賦學校之  
規則多梗不顯旌其忠孝節義之行則不勸  
不廣述其記傳藝文之美則日愚古來志乘  
之輯非僅撫拾舊聞塗飾耳目已也其意固  
深且遠也且夫邑之有志猶國之有史也修



武本古冀州覃懷之地魏南陽域耳境處偏隅然案其山川形勢甲於河北雖幅輳不及二百里而凡茱萸峯之岌岌天門谷之窈深青龍洞之盤紆吳澤陂之幽敞勝概萬狀未可悉數况乎田里生息物產饒多養教久成閭閻安堵生斯土者固其樂其業而職斯土者不更當勵其治乎明府蒞橋馮君山左名宿早登選科製錦有才來撫是邑於茲八載治且烝烝日上足以報最



朝廷矣乃猶孜孜然事必求其實蹟欲要諸久而  
後可以慊於心慨念修武舊志自前戈令雲  
錦續纂以來距今已七十餘年歲月漸遠文  
獻僅存失此不修後將湮沒且以戈令之續  
纂是志也迫奉上檄僅三月而卽告成是以  
挂漏疏舛均所不免萩橋明府藉案牘之餘  
閒躬親采訪詳參史鑑爲綱十有六目三十  
有六其閒蒐討闕佚訂正譌誤者數百條志  
沿革如修武爲古之南陽而屬韓屬魏之分



移北移南之異向慮建置不辨者今已燦然  
畢著也志輿地如攢茅隕大陸之見於左氏  
傳清水白鹿山之見於水經注向慮遺址莫  
攷者今已確然有憑也志人物如晉之趙穆  
金之呂豫元之陳安諸人向慮紀載多遺者  
今已釐然悉備也其他或稽令典以昭法守  
或按金石以博見聞或宣澤渠之阻而題橋  
錫以嘉名或慮郵驛之疲而躍馬廣其地  
或載銘記於祠宇墓陵可作里閭之敬或著



襄傳於孝子烈女用端風化之原該洽精當  
美難盡述又豈特書異書祥務卹民以弭患  
一名一物必稽雅以正譌已哉予因思士大  
夫身膺民社方日事簿書錢穀恐不暇給而  
蒞橋獨能志乎此經兩載之勤劬而編輯始  
就其亟亟焉務乎政教思所以勵風俗而正  
人心者於斯益見此正賢宰之所爲而士民  
之共仰者也他日采之輶軒上之  
國史不且信其傳世行遠也邪是爲序



賜進士及第

誥授朝議大夫內閣侍讀學士提督河南全省學政加三級平湖錢福昌譔



作志如作史必才學識三者兼備而志運可  
傳世知之矣志詳於一隅而本末始終是非  
增損義例一準諸史世知之矣而亦知志之  
與史有同而不同者乎史多纂於易代之人  
毀譽無心去取自正志則秉其成者非其地  
之長官卽其地之薦紳瞻徇因仍俗情不免  
而翹然自異者又或以推崇物望點綴山川  
爲盛事諸葛廬則南陽數見矣子房墓則地  
以畱名者處處有之矣無志則疑闕有志而



疑轉增疑增而益之以僞馴至本真全失者  
以余所見比比然也馮君荻橋之爲修武志  
也延金君枚偶袁君叔英張君魯巖襄事三  
君者皆宿學士本末始終是非增損一準史  
法其記輿地也於大小修武南北西三修武  
爲析爲并爲僑爲移如置身晉宋魏齊隋唐  
閒聚諸史而定畛域也其記名山也太行白  
鹿諸峯由所起所越所跨以定所至隨地分  
名卽馬尖皮聚米茂彩陸陸可皆而外其



記人物也漢代張導則徵其吏謝晉代七賢  
則按其游跡唐代文公則并詳其先世後世  
鑒鑒然如合諸賢於一堂而親質之摹繪之  
也而清水秀派舊志以百家巖及溫盤峪瀑  
布當之者傳譌久矣荻橋迺屬博雅士裹糧  
入山經歷奇險得之於南清溝北清溝之交  
瑤河吳澤諸水注之匯之者纖悉與水經合  
尤可以解數千年之大惑焉馮君此志庶幾  
信以傳信而無增疑益僞之病者乎余舊史



官也觀風整俗又爲今職所宜盡此志精覈  
詳盡展玩幾不忍釋手迺枚偶殫精攷訂心  
血瘁於斯書書將竣而中輟叔英魯巖惜其  
未成也編纂益精且勤得成完書嗟乎述作  
之精關乎軀命道義之契無閒死生如三君  
者迺可以信友迺可以信友而著書矣而秋  
橋網羅賢俊能合三君之詣力以成斯志緇  
衣好賢之雅亦庶有合焉然則斯志之得成



益傳之病也豈惟然哉余愛之重之撫實記  
之竊欲爲斯志發舒幽隱并欲爲凡修志者  
示之準則云

賜進士出身

諸授通議大夫河南等處提刑按察使司按察使  
前翰林院編修石阡成世瑄譔



此處有古碑記

此處有古碑記

此處有古碑記

此處有古碑記



涪川愚菴權余同外郎雅君子也涪川愚菴  
援据古今著書立說成一家言兼精篆隸諸  
體弱冠拔萃貢於朝嘉慶丁卯鄉試後充

內廷文穎館謄錄旋卽司鐸霑化余丁丑通籍分

水部時值菴橋保薦入都雖未嘗晤面而歆  
豔其名繼聞其銓發中州攝靈寶補修武豫  
省士大夫來都者覩陳其學術之湛深政治  
之卓越津津樂道於不置余竊欲共事一方  
親其旨趣用資切磋以爲快道光庚子秋余  
奉



命分守河朔受篆于茲安昌距修武四十里余以  
視事伊始蒞橋來晤領其言論丰采實副疇  
曩之嚮往乃以重修修武縣志見示夫周官  
以職方氏掌輿地之圖以小史外史領邦國  
四方之志辨其宜而布其利達其志而通其  
欲爲民牧者本生平之蘊蓄發而爲在官之  
治功有利斯興有廢必舉志乘之修誠善政  
也攷修武爲古甯邑周武王伐紂次於邢邱  
修武勒兵於甯更名修武卽爲魏之南陽地



今門與重創之其後之君可謂不地  
距七十餘年矣而原志簡略未備菽橋公餘  
讀書凡疆域之沿革風俗之純駁建置之興  
廢學校選舉之遵循名宦鄉賢孝義忠節之  
懇勸與夫金石藝文之本末存亡莫不廣摭  
博采用供纂輯竝與毘陵金枚偶廣文袁素  
珊大令先後商榷而張魯巖學博復討論其  
間自丁酉仲春創藁至庚子季春閱三年而  
後告成嗟乎以言攷覈則精嚴也以言援引  
則典確也以言義例則有條不紊也卽以之



賜進

登著作之廷膺譔述之任克當其選豈拘儒  
所能望其項背菽橋屬序於余余何堪參末  
議哉然喜其博雅之學而施於政治符余疇  
昔嚮往之誠而今獲與賞賚也於是乎序

士出身分守河南河北彰衛懷三府兼理驛  
傳水利河務兵備道前工部郎中充己亥科  
順天鄉試同考官鄉愚弟琪園莊瑤拜題



是書之興莫大乎國事不常弊例失宜邑之  
遺訓故實闕焉不書而獨於近州縣游移  
影帶之事東披西拾連篇累牘刺刺不休此  
作縣志者之通弊也馮君荻橋莅仕修武以  
舊志舛漏捐俸重修書成請序於余余詳加  
披閱歎其苦心孤詣實有超出尋常萬萬者  
如不立星野專門而首載

巡幸

皇德二篇最爲得體修武爲晉之南陽戰國時屬



魏不屬韓左傳有攢茅隕大陸水經注有清水長泉白鹿山皆能詳攷其所在太行爲修武屏翰層巒疊障不可勝紀小丹河及新蔣二河灌溉民田兼以濟運尤爲此邦水利所關獨能尋其脈絡於境內疆界自西迤東依次敘述如掌上螺紋一絲不亂漢分置山陽縣有大修武小修武聚後又有南修武北修武西修武唐改置滎州其地之大牙相錯或錯入武涉或錯入懷慶縣界更能條分其詳



不夾累黍海爲近今邑乘中僅見之作蓋初  
攝官斯土於今八年平日畱心掌故采訪舊  
聞旣詳且悉又得金枚偶學博袁素珊大令  
往來商榷後先執筆共成是編而張廣文魯  
農博極羣書朝夕討論亦足爲徵文攷獻之  
助故能集腋成裘垂諸不朽夫天下大矣天  
下郡邑多矣自古及今志乘之書何啻汗牛  
充棟而

欽定四庫所載惟朝邑武功二志最爲擅名其他



則所存無幾率皆瑕瑜互見得失參半豈非  
以因革不當繁簡失宜故歟余嘉荻橋著述  
之勤也於是乎言

賜進士出身

誥授朝議大夫知懷慶府事前翰林院編修掌山  
東道監察御史南昌陶福恒謹



分自道光己丑春核後鉅久河南與吳君和相  
需次於汴梁爲至交及襄城卸篆觀察劉梅坪先  
生新勸河朔書院命余主講席迴復得與荻橋相  
會晤荻橋謂余曰修武志缺而不修者七十餘年  
矣非其人莫與屬余因以金君枚偶薦荻橋遂延  
之於歲丁酉仲春開館迄於十月枚偶以事過余  
畱連信宿詢及志事蹙然曰修武自金元以來代  
有沿革牙錯瓜分一隅之地倏彼倏此是以眾說  
畢通余荷萃羣書徹夜不寐以求其合有不合者  
則旁推交通反覆曲證得所依據而後安心血實  
瘳於是書恐後此精力不給幸早畢事沿革今已



脫橐惟白鹿山清水吳澤陂水經注云在修武修  
武人士無有知之者將親身入山徇訪得之則書  
旦夕可成當移寓君所與君痛飲屠蘇耳孰意仲  
冬二日竟抱疾不終其事邪萩橋以其書編輯過  
半畀余續成之而竟不能辭也余閱金君所譔者  
紀二輿地志三建置學校祠祀祥異志各一秩官  
攷一纂述皆得史法人物志編輯未畢余補成之  
未幾楊生敏書以清水告余代纂入輿地山川以  
成君志而古蹟尙少生色又與萩橋及張君魯巖  
加潤飾焉別譔令典選舉志各一列女傳一雜記



門外志例略佔多謫謫立序爲抄言纂輯屬  
譏藝文志一訂正之力尤多爲卷者十爲綱者十  
有六爲目者三十有六各冠小引發明其意書成  
因敘其緣起而歸之款橋

道光十有九年歲次己亥二月陽湖袁俊敘



因遇其難似有難一

此亦極其難也

此亦極其難也



縣境里中  
山川城泲  
衛署學宮  
書院講圖



# 縣境全圖

卷之六

六





圖經縣境圖

西至北山鳳凰縣界十九里

本行山



西南至武陽縣界五十里

西至南武陽縣界五十二里



十一里

沿城路圖

七里在城  
圖不另繪

圖不另繪

東北路界

東南路





系代系示  
 公官  
 圖經  
 里甲圖





十里正東路圖









五里東南路圖

東北至正東

路萬里交界

東南至漢  
嘉縣文廟

觀音堂

大武廟

官場驛

南至武陟縣交界





北至東面大路

小嶺

大嶺

紙坊

田

郭

天

郭

郭

寺

西南至南  
路無交界

西至正南  
陳林交界

修武縣志

卷之

圖經  
里甲圖

五




四里正南路圖

范東北係  
沿城路

連京府東南路

界縣陝武係南連





迤北係侍王路

西界  
南路

劉公河

東常衛

天齊廟

孟

孟

皇廟

傅

莊

黃

延陵


火神廟

王

范

交界碑

迤南係武勝縣界






二里西南路圖













界路山

山行太

山門

界路南牆

解萬西

解萬東

家雙

莊孔北

過待王分金景河

雨水大從山門流出

莊白

廟神盤黑

莊家秦

莊孔西

寺國興

神道碑

鎮王待

莊陳

莊聖楊

莊古朱

王待西

門義古有連  
理槐

莊王

莊天小

莊劉

屯古

鋪郎孫

堡兵木

莊馬

界路南西

修武縣志

卷首

圖經

里甲圖

恩都路界



八里牆南路圖

東北界正北路

東界台裝

虎眼掌

河局

羊臥

作新

作新

老文

北牆

炎帝

夏

仁義

南牆半居城中半居城

城

古陽城

南牆

湯王

五石旗

觀音

蘇

小

相如

仙二

廟帝

建

南界西




山頂迤北係西北路





十里恩邨路圖

牆南路界



東南西南路界



文獻通考

圖經 里甲

西界東王務





一里新店路圖







六馬掌

老牛河

塔

林

田

馬

社

韓文公廟

天

居德寺

林

慈

火

黃

莊子廟

店

湯

羅

府城

廟

府城

廟

北街

南街

參武縣志

卷

同經


里

十一



三里西北路圖

界交歸川度



正北路交界

界交路三待



鳳臺縣交界

裴莊山

南界山



鳳臺縣志

卷一

圖經

里市圖

七

西界恩都  
牆南兩路



東北路









六里東北路圖









境太行山全圖

延北至國界  
界以銀界





北邊陵川  
以小路

北陵川縣  
界

大  
族  
莫  
峯

馬  
驢  
后

河  
洪

廟  
新  
龍

確  
台

棧  
梁

龍  
潭

廟  
清  
通

山  
方

子  
山

棚  
茶

色  
山

寺  
善

門  
龍

山  
石

山  
龍

寺  
善  
萬

溝  
路

等  
善  
好

代  
八

掌  
三

茂  
上  
頂

盤  
紅  
坂

盤  
丘

石  
山

掌  
檀

良  
孟

河  
龍

莊  
鐵  
坑

峪  
虎

山  
龍

寨  
虎  
朱

底  
樹  
大

山  
頭  
回

掌  
壇  
華

莊  
孫

廟  
雲

廟  
蟠  
八

樓  
樓  
山

尾  
堆  
山

寨  
王

坡  
燕

底  
山

十五



迤北五里陵  
川縣二仙廟  
界迤西三里  
交龍河為鳳  
治縣界

迤北十里陵  
台照橋圍界

迤北五里陵





太行山  
 界



圖經  
 太行山圖




白家巖圖





鹿山

山



冬氏縣志

卷首

圖經

百家嚴圖


七







泉源河道圖






# 城池圖

仁正四年

九月

一




東

東

東


先農壇








學宮圖






冬代縣志  
 卷之四  
 圖經  
 學宮圖






公署圖







卷之七

卷之七

圖經

卷之七

三



留城書院圖





卷之三  
三  
三









全定

李太保奉旨總督例賜卹前總督河南東河道栗恭勤公毓美模山西渾源州人拔貢

岳德聚都察院都御史巡撫河南等處地方督務兼理河道牛鑑鏡唐甘肅武威縣人甲戌進士

內閣侍讀學士提督河南全省學政加三級錢福昌辰浙江平湖縣人己丑榜眼

河南等處承宣布政使司布政使加三級鄂順安雲滿州正紅旗人員

河南等處提刑按察使司按察使加三級戚世瑄蘭貴州府人丁丑進士

尋河北兵備道管轄彰衛懷三府等處地方加三級莊瑤琪琪山東高州人丁丑進士

監修

懷慶府知府加三級陶福恆松江西南昌縣人癸未進士

懷慶府黃沁同知候補知府加三級于卿保那漢軍鑲黃旗人監生

卷一 纂修姓氏



懷慶府糧捕水利通判加一級松文客城滿州正白旗人監生

纂修

知州銜修武縣知縣聖級錄十六次記功十次馮繼照款橋山東淄川縣人拔貢

編述

前安徽建德縣教諭候選知縣金皋拔偶江蘇江陰縣人甲子

前襄城縣知縣候選知縣袁俊叔英江蘇陽湖縣人己丑

修武縣教諭張宗泰魯嚴汝州魯山縣人丁卯

總校

修武縣訓導聶卿任衛輝府獲嘉縣人歲貢

分校

分發直隸矣補中丁酉斗拔貢王蘭黃



廩

生楊敏書

廩

生趙翼全

廩

生王粵

廩

生王與

廩

生李景瑗

增

生朱乙鸞

附

生許福慶

采訪

羅山縣教諭王午科舉人趙鶴齡

壬

辰

科

舉

人崔星聯

壬

辰

科

舉

人梁棋

修姓

修姓

二



乙

未

科

舉

人張鑑平

丁

酉

科

舉

人馮五桂

恩

貢武積善

歲

貢程炳文

歲

貢薛淩雲

歲

貢王瀾

歲

貢周郁文

附

貢姬樂天

附

貢趙鳳翔

附

貢蔣效先

列

貢鄭本清



廩

生王漸達

培

生蔣麟趾

附

生陳銘

附

生梁悅孔

附

生成景福

監

生問彭壽武鳳翔

從

九

品秦位西

孔

廟

齋

奏

官趙枋

監造

修

武

縣

典

史陳紹祖

遺澤浙江

修武縣志

卷

纂修姓氏

三



詹錄

吏

員張鵬鳴

吏

員張勇

吏

員張煥箕

吏

員楊名善

吏

員張懷吉

吏

員貢彭年

吏

員孫汝明

吏

員秦玉振

吏

員許駿馨

吏

員梁道淵



吏

員言善成

吏

員屈澄九

吏

員陳殿選

承

行

吏全秀東

承

行

吏熊仲文

繪圖

畫

士邱集鳳

仙谷直隸長垣縣人

卷之二

卷

纂修姓氏

四



遊

上海廣益書局

全

永

計

上海廣益書局

茶

行

上海廣益書局

庚

上海廣益書局

庚

上海廣益書局



一舊志星野疆域城池公署學校賦役兵防山川古蹟祠祀陵墓風俗物產災祥爲志者十有四沿革職官選舉爲表者三名宦人物儒林孝義文苑方技流寓列女爲傳者八後列藝文二卷雜識一卷篇目過繁今酌爲十卷以綱統目庶便省覽

一舊志有志有傳有表本史家舊例也今將碑版序記之文分編於各門又沿革條下皆加案語辨證若仍旁行斜上語反不暢故不復列表

一修武於九州屬冀冀之分野爲昴畢邑彈丸一隅恐不足當分野之一二故於舊志言星野者多從



刪薙祇略贅數語於疆域之末

一修武背負太行峯巒森秀洞壑幽奇杖策登臨攬  
取不盡故自縣西北以迤東北一帶山勢或躬親  
採訪或詢諸其方之士人反覆審定然後登諸簡  
策總期爲山靈洗出眞面目用存一邑勝概

一修武泉源之富甲於河朔舊志寥寥數則頗形儉  
陋今逐細討探所增入者不啻數倍其一泉而異  
名者亦詳爲剖分爲好事游覽之資

一舊志不載里甲今增此門詳注道里以便檢查

一舊志物產一門過於簡略且率用俗呼而不究其



一乾隆二十六年邑中大水學官縣署皆被淹浸文  
卷遺失建置令典兩門其不可攷者悉闕之  
一貢監及捐職不由科目而得故選舉門中概不編  
入惟曾受職者載之  
一舊志人物一門所收頗略且多加刪節似非傳信  
之道今博徵列朝史傳及唐宋以來諸家說部  
別集用增益所未備其遺漏者蓋亦罕矣  
一郡邑志藝文一門以各體文編入藝文者用明人  
無錫縣志例也其以各體文消納各類中者用宋  
范成大吳郡志例也范志較得體今從其例



修志序  
金石之學自歐趙以來代有纂輯今修郡邑志者  
多祖之以其有關鄉邦故事可補正史傳之遺謫  
也茲於舊志外特增此門窮搜博討多所登載  
一舊志所載有增無減惟膚末詩文閒有削去耳

一舊志碑版序記之文閒多蕪蔓或金石所收文字  
漶漫率稍爲刪節皆加略云及節錄二字以別之  
一詩賦文之支流也其體不一今皆用雙行夾寫以  
別之

一舊志原序云三月告成又苦無書籍故所引不載  
書名今則悉綴出處於末以便攷證



卷首

巡幸紀

皇德紀

圖經  
縣境圖  
里甲圖  
太行山圖  
百家巖圖  
泉源河道圖  
縣城圖  
公署圖  
學宮圖  
書院圖

卷一

輿地志上  
沿革攷  
疆域  
形勢

卷二

輿地志中  
故城攷  
山川  
碑封

卷三

參攷  
系志  
卷目錄



輿地志下  
古蹟  
陵墓  
里甲  
風俗  
物產

卷四

建置志  
城池  
公署  
倉庫  
監獄  
普濟堂

令典志  
田賦  
橋路  
鹽法  
兵防  
郵傳

祥異志

卷五

學校志  
學官  
鄉飲  
書院  
義學

卷六

祠祀志  
寺觀附

卷七

先宮文



卷八

人物志

列傳  
方外

忠節

孝友

義行

流寓

卷九

列女傳

藝文志

卷十

金石志

雜記

史餘

軼事

攷辨

志原

右修武縣志目錄共十卷創纂於丁酉之二月開  
雕於己亥之二月及庚子之三月而工畢繼照弁

修武縣志

卷

目錄

八



其首曰修武縣志曰乾隆二十二年津門吳君重修其後戈君開有增損距今七十餘年矣余自道光十三年抵任值公事之暇輒緝閱史鑑事有繫於一邑者筆之而廣文張君魯巖著書二萬餘卷日盡一卷亦稟錄數帙皆舊志所未備者眾說參差不能盡合修武之地一隅耳有大修武小修武聚南修武北修武西修武又分爲南陽爲山陽爲廣寧郡爲修武郡爲陟州自春秋晉牧南陽其後韓魏分晉而屬韓屬魏莫辨矣隋初至十六年析置武陟縣移修武於永濟唐置陟州創修武尋移



州而獲嘉輝縣與修武版圖錯雜矣疆域猶是割  
置各殊思欲條貫異同以補舊志之缺而自媿識  
不逮也袁君叔英來掌河朔書院教事因往商之  
以其友金君枚偶薦枚偶學賅而通薈萃全史博  
參地志諸書疏通證明而前此糾紛舛雜若網在  
綱櫛受髮融會眾說而曲暢交推又如冰消凍解  
無不釐然明而渙然釋也方將敘典章述政治攷  
耆舊之往行譔金石之遺文而心力告瘁未克成  
書袁君叔英繼之蒐羅補輯足成十卷而張君魯  
巖既盡出其所有凡見聞所及有未敢信於心者



不憚再三校訂實事求是期於無憾而卽安余不  
敏亦竊參己意爲增飾焉蓋余與三君子遊非特  
解數年讀史不解之惑而一邑之建置沿革政治  
得失與夫官師人士貞女節婦之卓然可紀者亦  
得以補七十餘年之所未備是則余之幸也夫是  
爲序



修武縣知縣臣馮繼照恭紀

稽古有虞五載一巡狩矣我

朝鄧治昌明

列聖相繼懷柔震疊邁周紹虞康熙四十一年

聖祖仁皇帝

駐蹕修武乾隆十五年

高宗純皇帝西巡

御製七賢詠

天章紉纓

光逮前賢

小臣繼照

按輯志乘仰溯遐陬僻壤曾邀

修武縣志

卷首

巡幸紀

十一



鑾輅經臨敬弁卷首以爲下邑非常榮幸而殊恩異數與夫偏災水旱幸邀

蠲緩以休養生息者復敬錄

皇德紀一篇願與邑之人士共沐昇平之盛云爾  
巡幸紀

康熙四十一年

聖祖仁皇帝西巡

駐驛修武試豫省文修武縣教諭王郊與試

欽取第一

授浙江臨海縣知縣



御製七賢詠

嵇生放達意真豪  
嗣宗青眼誇神交  
啟事吏隱何妨濤  
沛國豫流形陶陶  
向秀佐鍛鑪鍾操  
小阮不愧玉樹曹  
阿戎清爽舞濁醪  
竹林之遊芳躅高  
延之過激山去朝  
五君成詠寓興哀  
我過山陽望古遙  
土阜惟見橫岩巖  
猶使逸興軒軒飄

邑人廣增生詹卓

御路

御營記

聖駕由輝縣東北來竝太行山過萬斛邨小牆北抵漫

冬代縣志

卷三

巡幸紀

七



河溝東折而西河溝路崎嶇用石輓墊起駕以木  
版覆黃土尺許於上用木杵堅築取水灑道不易  
邑侯顧公焚香默祝上蒼果施霖霖須臾路成寬  
三丈六尺兩傍以繩闌之不通人出入

行宮去前馬家作里許西南去定和邨二里許東南去  
承恩鎮三里許東西順長約百數十弓橫闊約  
百餘弓

黃棚居中外小帳百餘環繞之周圍繫以鈴索是夜雞  
犬寂不作聲更深漏靜笙歌細樂疑聞天上今猶  
稱爲



欽賜科名

嘉慶丙辰科翰林院檢討王總章

嘉慶戊辰科翰林院檢討薛隆光

嘉慶己巳科翰林院檢討王鶚鋒

道光壬辰科國子監司業馬秉鈞

道光壬午科副榜薛際隆

欽旌力農

雍正二年二月欽奉

上諭令州縣有司擇老農勤勞儉樸身無過舉者歲舉

一人給以八品頂帶榮身以示鼓勵



周大傳

雍正二年舉

王振祚

三年舉

張良佐

四年舉

張林

五年舉

恩賜老民品級

八十以上準給八品頂戴七十以上準給九品頂戴

嘉慶元年八十以上老民共十四名七十以上老

民共七十二名

道光元年八十以上老民共七名七十以上老民

共一十八名

蠲卹

順治十七年蠲免河南租稅

順治十六年以前直省錢糧凡拖欠在民

者俱蠲免

康熙二十三年



差賑濟二十四年奉

旨丁地錢糧拖欠在民者盡行蠲免二十五年丁地錢糧蠲免五分二十九年丁地錢糧蠲免三分三十年夏災蠲免條糧十分之三秋災案被災地祇照例蠲免是年冬奉

特旨將三十一年河南通省錢糧全免四十二年本年丁地錢糧拖欠在民者盡行蠲免五十一年蠲免河南通省丁地錢糧六十年夏麥災奉

旨賑濟蠲免丁地錢糧三分

雍正元年春奉

旨賑濟七年蠲免豫省本年額徵錢糧四十萬兩



乾隆八年秋旱奉

旨被災十分者蠲免錢糧十分之七九分者蠲免十分之六八分者蠲免十分之五七分者蠲免十分之二六分五分者蠲免十分之一十二年蠲免河南通省丁地錢糧十五年秋禾歉收奉

旨丁地錢糧加恩通行蠲免十分之五十七年蠲免本年丁地錢糧三分二十二年秋禾被水緩徵丁地錢糧八百四十六兩零緩徵漕米八十五石零二十六年猝被水災奉

旨賑濟動用倉穀一萬三千五百三十石零蠲免丁地



十六年恩蠲免漕米  
應輸漕米照康熙年間之例於乾隆二十一年為始案年分省通行蠲免一次

三十五年

孝聖皇太后萬壽普免應徵錢糧四十一年

孝聖皇太后仙馭升遐推廣

慈仁普免應徵錢糧

自戊戌年始普蠲天下錢糧分三年輪免河南錢糧輪於四十五年

豁四十四年因豫省雨澤愆期奉

上諭先行蠲免錢糧又奉

上諭借給籽種

五十三四十四年被水成災錢糧蠲免

十分之一出借籽種

五十三撫卹乏食貧民一月

口糧四十五年被旱成災出借籽種

五十三撫卹



乏食貧民一月口糧四十九年被旱成災錢糧緩  
至秋後徵收四十八年陳欠錢糧豁免出借籽種  
五十三年新舊借欠穀石寬至來年麥後徵還五十  
年被旱成災節年錢糧等項全行豁免出借籽種  
五十五年五十五年春月被旱錢糧緩至麥  
九年二次豁免五十五年  
後徵收五十五年

高宗純皇帝八旬萬壽普免應徵錢糧

自辛亥年始普蠲天下錢糧照

各省所屬府州次第均蠲四分作三次輪免通計三年一律蠲免仍先儘五十四年災緩各府州  
五十六年秋禾歉收出借籽種五十七  
年秋禾被旱成災錢糧蠲免十分之四出借籽種  
五十九無用一月口糧又加賑濟貧病每月口糧



嘉慶元年恭遇  
錢糧漕米先緩後豁免出借籽種  
嘉慶五年  
豁免撫卹  
月口糧加賑四月口糧展賑一月口糧

嘉慶元年恭遇

仁宗睿皇帝登極慶典錢糧奉

恩旨蠲免又因乾隆五十九年二麥被旱豁免漕倉項

下乾隆五十九年民借麥抵穀一千一百八十九

石三斗薊倉項下乾隆五十九年民借麥抵穀二

千五百四十六石六斗八升四年兵差過境錢糧

在五年錢糧內蠲免十分之五十年被旱成災錢

糧蠲緩分數不一漕糧緩徵出借籽種十二月初



一日起至十一年正月月底止煮粥二月撫卹一月  
口糧極貧加賑兩月次貧加賑一月十八年春月  
被旱錢糧緩至十九年麥後秋後徵是年麥秋  
均歉收煮粥兩月二十三年被水邨莊錢糧緩至  
二十四年麥後秋後徵收撫卹一月口糧二十四  
年

仁宗睿皇帝六旬萬壽節年錢糧全行蠲免又豁免常  
平倉項下九年民借穀五百九十七石五斗一升  
十年民借穀一百三十六石七斗三升十六年民  
借穀二百二十石九斗倉項下十年民借穀一  
千五百一十一石五斗五升



恩資老民  
康熙二十七年  
過境兩年錢糧在八年錢糧內各蠲免十分之四  
二百一十名口糧銀一百零五兩六年七年兵差  
銀一百二十三兩又加賑極貧民兩月口糧貧生  
糧撫卹貧民一月口糧貧生二百四十六名口糧

康熙二十七年

詔賞年老軍民八十以上者每名絹一疋棉一觔肉十  
觔米一石九十以上者四倍給共八十四名四十

三年

恩賞年老軍民七十以上者每名準一丁侍養免其雜

欽定四庫全書

卷首

皇德紀

六



派差役共一百五十二名八十以上者每名給絹一疋棉一觔米一石肉十觔共九十五名九十以上者每名給絹二疋棉二觔肉二十觔米二石共七名四十八年

恩賞年老軍民七十以上者每名準一丁侍養免其雜派差役共七十九名八十以上者每名給絹一疋棉一觔肉十觔米一石共二十九名九十以上者每名給絹二疋米二石棉二觔肉三十觔共三名五十二年

恩賞年老軍民七十以上者每名準一丁侍養免其雜派差役共一百七十八名八十以上者每名給絹一疋



糧一斛米一石肉十觔共十四名

雍正元年

恩賞年老軍民七十以上者每名準一丁侍養免其雜  
派差役共二百二十八名八十以上者每名給絹  
一疋棉一觔米一石肉十觔共二十九名二年

恩賞年老婦女七十以上者每名給布一疋米五斗共  
七十八名八十以上者每名給絹一疋米一石共  
七十名九十以上者每名給絹二疋米二石共七  
十名百歲者給銀建坊

乾隆二年

恩賞年老軍民七十以上者每名準一丁侍養免其雜



派差役共二百十九名八十以上者每名給絹一疋棉一觔米一石肉十觔共七十二名十七年

恩賞年老軍民八十以上每名給絹一疋米一石共七十一名九十以上每名給絹二疋米二石共三名年老婦女七十以上每口布一疋米五斗共一百一十口八十以上每口絹一疋米一石共一百四口九十以上每口絹二疋米二石共十三口二十六

年

恩賞年老軍民七十以上每名給絹一疋米一石共一百一十口八十以上每名給絹一疋米一石共一百一十口九十以上每名給絹一疋米一石共一百一十口

差役共四百四十名八十以上每名給絹一疋米一石共一百一十口九十以上每名給絹一疋米一石共一百一十口



五年

恩賞年老軍民七十以上每名準一丁侍養免役共二百一十名八十以上每名給絹一疋棉一觔米一石肉十觔共一百七十八名九十以上每名倍給共一十二名均一丁侍養免役五十年

恩賞年老軍民七十以上每名準一丁侍養免役共一千一百一十名八十以上每名給絹一疋棉一觔米一石肉十觔共三百一十六名九十以上倍給共六名均一丁侍養免役五十五年

恩賞年老軍民七十以上每名絹一疋棉一觔米五斗



肉五觔共一千三百二十七名八十以上每名絹一疋棉一觔米一石肉十觔共二百八十一名九十以上倍給共十一名均一丁侍養免役

嘉慶元年

恩賞年老軍民七十以上每名準一丁侍養免役共一百九十一名八十以上每名給絹一疋棉一觔米一石肉十觔共九十四名九十以上倍給共二名均一丁侍養免役四年

恩賞年老軍民七十以上每名準一丁侍養免役共五百五十六名八十以上每名給絹一疋棉一觔米一石肉十觔共一百一十八名九十以上倍給共



恩賞年老軍民七十以上每名準一丁侍養免役共二百三十二名八十以上每名給絹一疋棉一觔米一石肉十觔準一丁侍養免役共八十名二十四年

恩賞年老軍民七十以上每名準一丁侍養免役共五百六十四名八十以上每名給絹一疋棉一觔米一石肉十觔共一百二十七名九十以上倍給共八名均一丁侍養免役

嘉慶二十五年恭遇

今上登極慶典

參武

卷首

皇德紀



恩賞年老軍民七十以上每名準一丁侍養免役共二百五十三名八十以上每名給絹一疋棉一觔米一石肉十觔共一百一十五名九十以上倍給共七名均一丁侍養免役道光十六年

恩賞年老軍民七十以上每名準一丁侍養免役共二百六十三名八十以上每名給絹一疋棉一觔米一石肉十觔共七十一名九十以上倍給共三名均一丁侍養免役



修武縣知縣馮繼照纂輯

輿地志上

沿革攷

疆域

星野附

形勢

修武幅員不及二百里然爲魏之古南陽西扼秦  
韓北達燕趙兵車衝會之區也七雄爭彊魏以南  
陽一城塞秦韓之喉生民之禍酷矣漢時析置修  
武山陽二縣其後修武有南北之分山陽有郡縣  
之別紛紜糾錯沿革難稽固不獨雍蔡陽樊滋後  
世之聚訟也若乃分封食采類多古賢憑弔悲歌  
緬懷漢寢攷大陸而閒訪澤陂讀水經而徧按清  
水實事求是均非易言故作地志難作修武地志



尤難至於察版圖彰往蹟問風俗之得失與土地之所宜何莫非守土者責也連綴於末以備後之觀覽云

沿革

唐虞夏屬冀州之域

禹貢覃懷底績至于衡漳

王應麟通鑑地理通釋周形勢攷注修武縣禹貢覃懷之地

馬端臨文獻通考古冀州西境今河內汲郡

修武曾屬

汲郡詳後

又案通考襄州禹貢覃懷之地領縣有修武



後漢書光武帝紀幸修武唐章懷太子賢注本殷之甯邑

酈道元水經注修武故甯也

太平御覽引十道志曰修武本甯邑也

通鑑地理通釋引輿地廣記懷州修武縣本商之甯邑

邊志云讀仙釋謂之虞甯是虞時亦名甯因於方伎載瑕邱仲賣藥於甯事而系之虞代吳志因之今案仙釋字是翦截題目其書名未全又無誤人姓名或卽前此舊志篇目難可稽覈攷之水經注



灤水與衛川水合流注於延水東逕小甯縣故城南引漢書地理志甯縣也西部都尉治王莽之博康也又引魏土地記曰大甯城西二十里有小甯城昔邑人瑕邱仲居水側賣藥於甯百餘年人以爲壽後地動宅壞仲與里中數十家皆死民人棄仲於延水中收其藥賣之仲披裘從而詰之此人失怖仲曰不恨汝故使人知我耳後爲夫餘王驛使來甯此方人謂之謫仙據此則賣藥自在小甯城漢甯縣屬上谷郡洪編修亮吉乾隆府廳州縣志爲今宣化府萬全縣其大甯城水經注引地理志曰黃帝王莽曰黃耆亦壽上谷郡洪志今宣化



唐宣化縣羅汝路史所謂大甯城小甯城今在  
戎者是晉時又分上谷置廣寧郡亦非東魏時暫  
置尋廢之廣寧郡也是大小甯城均與修武無涉  
水經注又未言瑕邱仲爲虞時人虞甯之說屬誤  
舊志又以甯封子列方伎則并黃帝時已有甯也  
案劉向列仙傳封子爲黃帝陶正後積火自燔視  
其燼猶有餘骨人共葬之甯北山中故謂之甯封  
子路史疏仡紀注則曰甯國封人今縣北有太行  
山何知非葬地既有甯邑即可有甯國亦可有封  
人又何知黃帝時之甯必在他邑而不在此邪然  
無確據則終屬傳疑昔劉子駿有言與其過而廢



之也宣過而有之姑附見此條存其時地以資沿革之辨證焉

周初更名修武又爲三監蔡叔地又爲雍國

韓詩外傳武王伐紂到於邢邱橋折爲三天雨三日不休武王心懼召太公而問曰意者紂未可伐乎太公對曰不然折爲三者軍當分爲三也天雨三日不休欲灑吾兵也乃修武勒兵於甯更名邢邱曰懷甯曰修武

案勒兵更名三語裴駢集解章懷太子注及太平御覽皆引之

通鑑地理通釋劉氏原父曰修武則甯武王伐紂



名之

乾隆府廳州縣志修武縣有待王承恩二鎮案鎮在縣西鄉相傳爲百姓迎王師處當是武王由孟津渡河後經此在戊午至癸亥六日內

左傳僖三十四年郕雍曹滕杜注雍在河內山陽

縣西

郡國志山陽有蔡城劉昭注蔡叔邑

東遷爲畿內地春秋初年屬鄭

左傳隱十一年王以蘇忿生田與鄭有攢茅隕杜

預注在修武縣北

案成十一年傳昔周克商使諸侯撫封蘇忿生以



溫爲司寇故田在此

後屬晉爲南陽邑

左傳僖二十五年晉於是始起南陽

起一作啟

後漢書郡國志修武故南陽

水經注修武亦曰南陽

顧棟高春秋大事表杜注晉山南河北故曰南陽

又文元年晉始告於諸侯而伐衛及南陽杜注今

河內地然則南陽地極寬大兼涉衛境不止晉有

矣蓋本周圻內地文公始受之故曰厥馬融曰晉

地自朝歌以北至中山爲東陽朝歌以南至軹爲

南陽應劭曰河內殷國也周謂之南陽後又爲魏



鄭德三國之地魏卽分晉地應劭蓋本其後而言之耳徐廣曰河內郡修武縣古名南陽劉原父曰修武有古南陽城蓋南陽其統名而修武則魏之南陽邑也

案漢書魏地自高陵以東盡河東河內通鑑地理通釋引之注中周襄王以河內賜晉文公修武此語未甚明晰當是以河內之修武賜晉文公耳左氏僖公二十五年傳王賜之陽樊溫原攢茅之田卽其事也

晉亦曰甯邑

左傳文五年晉陽處父聘於衛反過甯杜注晉邑



汲郡修武縣

戰國屬魏仍爲南陽

戰國策鮑彪校本卷二韓魏易地章樊餘謂楚王  
曰魏有南陽鮑注河內修武晉始啟南陽是也  
卷三秦武王謂甘茂章甘茂對曰宜陽大縣也上  
黨南陽積之久矣注此屬修武者

韓非說秦王章拔邯鄲完河閒西攻修武踰羊腸  
降代上黨

四國爲一章姚賈曰管仲南陽之敝幽注修武南

陽也

狄怪園曰此當是秦

今南陽下云魯之龜

卷六蘇秦從燕之趙章說趙王曰夫秦下與道則



南陽城亦不知始自何時馮智舒綱目質實引明  
一統志謂周曰修武秦更名南陽城者殆未審郡  
國志文義乃於修武故南陽秦始皇更名十字下  
不斷句而於下句有南陽城四字又遺忽有字故  
有此誤夫應劭謂秦更名修武卽郡國志之義師  
古旣據臣瓚說修武之名已久駁正應說而明志  
轉謂秦更名南陽其於郡國志旣屬誤認又別無  
所本是修武雖實有南陽城而明志固不足爲南  
陽卽修武之證也今具列國策史記郡國志通鑑  
綱目本文注解於右核之六國時魏之南陽專指  
修武無疑又攷史記秦本紀六國表秦取魏軹魏



納河內溫於秦皆在赧王四十二年魏與秦南陽之前至秦取魏之邢邱懷朝歌汲又俱在與南陽以後諸邑各書本名而不繫之南陽外此繡壤相錯介山南河北之間亦卽中處朝歌至軹道之間者魏地獨修武耳則南陽非修武而何且戰國二百六十年策言修武者僅見於韓非說秦王而南陽之名屢見考其形勢揆其情事此諸家所以證修武於南陽也大抵南陽城自戰國初已有之決非秦所更名既有此城則戰爭攻取必指其城而言修武名雖存遂不復在人口後世亦往往有此



又國策卷一犀武敗於伊闕章蔡母怗對魏王曰  
秦悉塞外之兵與周之眾以攻南陽而兩上黨絕  
矣

秦召周君章或爲周君謂魏王曰秦召周君將以  
使攻魏之南陽王何不出兵於河南周君聞之將  
以爲辭於秦而不往周君不入秦秦必不敢越河  
攻南陽

卷六五國伐秦無功章蘇代謂奉陽君曰秦下軹  
道南陽而伐魏

卷九秦召燕王章秦正告魏曰下軹道道南陽

案此數條雖無修武注解但均係魏之南陽自可



以修武古名南陽與南陽實修武二語爲斷又案  
韓魏兩南陽本自截然班志謂魏地盡河內者魏  
之南陽在焉曰韓得南陽郡卽秦受於韓所置郡  
也徐廣亦謂修武古南陽屬魏地荊州之南郡本  
屬韓地通鑑胡三省注凡山南水北皆謂之南陽  
晉南陽在修武以在太行之南大河之北也秦置  
南陽郡以在南山之南漢水之北也是一韓一魏  
之地甚明惟通鑑及綱目於赧王五十二年皆書  
白起伐韓取南陽攻絕太行道胡注韓之南陽卽  
河內野王地五十三年又書白起伐韓拔野王則  
似韓亦有河北之南陽矣然史記白起傳秦昭王



四十四年徐廣注曰河內修武不言野王明年伐韓之野王又無南陽字而六國表昭王四十四年書秦攻韓取南陽不言絕太行道徐廣曰一作郡核之秦本紀攻韓南郡取之正在是年別無他役恐南陽究係南郡之譌而韓世家亦無南陽明文也若合史記本文及注則野王屬韓而不謂南陽南陽是修武而非韓有自郡國志引史記注修武率將表傳兩處本文彊相聯合遂增入韓志曰白起攻韓南陽太行道絕之而不參之秦紀徐說以詳核表傳致後人疑修武亦曾屬韓通鑑蓋據郡國志而未深攷史記至綱目又仍通鑑原文而胡



注野王并似與晉南陽在修武句自相背矣究之  
修武自係魏南陽也

又案王士禎池北偶談論魏南陽曰漢書地理志  
修武應劭曰晉始啟南陽今南陽城是也秦昭紀  
魏入南陽以和白起傳攻南陽太行道絕之張儀  
傳魏絕南陽皆是

竊謂秦武王之謂甘茂其意欲攻宜陽是韓大縣  
也上黨固韓所有其財賦積於宜陽可矣甘茂所  
對兼及南陽鮑旣注爲修武而與上黨之積同解  
何以魏之財賦乃積於韓耶此條實屬韓屬魏  
之疑恐是注積字未的耳



又案國策秦攻魏取甯邑鮑注引郡國志朝歌有甯鄉至通韓上黨於其案今輝縣城卽古其甯則史記徐廣注甯爲朝歌甯鄉鮑注國策則引正義甯爲修武攻前後志朝歌修武俱是兩縣其不得以甯鄉爲修武甚明惟此一縣又俱與其城毗連而修武之甯其通上黨較近本句但有甯字無鄉字或當以正義說爲長至攻魏取甯邑則應是甯鄉以爾時爲秦昭王十年魏之南陽自在故注家亦無修武之說也

秦屬三川郡始爲縣曰修武

地理志應劭曰秦改名修武臣瓚曰韓非書秦昭



王越趙長平西攻修武時秦未兼天下修武之名  
久矣師古曰瓚說是也

案周初雖已更名而春秋猶相沿稱甯戰國又以  
南陽著至秦始皇復用武王所更名而其先習久漸  
忘故人反以爲改也

漢析置修武山陽二縣屬河內郡

地理志河內郡高帝元年爲殷國二年更名莽曰  
後隊屬司隸有山陽修武二縣

案昭帝紀有司請河內屬冀州則二縣又移冀州

部

後漢因之



郡國志河內郡修武故南陽秦始皇更名又有山

陽邑

三國屬魏

又改為山陽國

置朝歌郡以修武屬之

洪亮吉三國疆域志司州領河內郡山陽縣屬焉

黃初中又分河內郡置朝歌郡移屬冀州領縣六

其一修武

魏改為山陽國見  
乾隆府廳州縣志

案晉書魏氏受禪以漢司隸所部河南河東河內

宏農并冀州之平陽合五部置司州故山陽為魏

司州所部修武自分郡後遂屬冀州蓋以山陽在

西近河內而修武迤東漸近朝歌也

晉又以二縣分屬河內汲郡皆隸司州



晉書地理志河內郡山陽汲郡修武

案司州汲郡爲晉武帝泰始二年置

後爲劉石慕容苻氏淪沒

洪亮吉十六國疆域志前趙後趙前燕前秦並有  
山陽修武二縣所屬不改

案石勒以河內汲郡等二十四郡爲趙國罷司州  
通置都司以監之準禹貢復冀州之境慕容儁又  
改司州爲中州置司隸校尉俱見崔鴻十六國春  
秋以洪補志核之則皆二縣所治屬也

宋於河南置山陽僑縣

宋書州郡志武帝置司州刺史有河內僑郡寄治



河南領山陽等縣

案晉書地理志永嘉之後司州淪沒劉聰元帝渡江已僑置於徐州而本條於河內山陽汲郡修武無攷宋自武帝僑置山陽厥後元帝置於汝南明帝置於義陽雖漸成實土而縣名非舊固無可釐正矣

後魏析置南北修武仍屬司州汲郡而山陽亦來屬魏書地形志南修武縣二漢屬河內晉屬汲郡北修武縣孝昌中分南修武置山陽縣二漢晉屬河內後屬汲郡

懷慶府志宋魏又置西修武縣尋廢

案府志當是山實字記參



考知  
之

北齊移修武縣治於西修武併北修武入之

樂史太平寰宇記高齊天保七年自今獲嘉縣移  
修武縣於西修武縣故城

隋書地理志後魏置修武後齊并入焉

案至是始合南北西修武山陽爲一縣

又案北朝修武爲郡有三一曰山陽郡地形志孝  
昌二年置尋罷一曰廣寧郡地形志東魏置後周  
廢一曰修武郡隋地理志後周置於獲嘉開皇初  
郡廢通計孝昌至永熙纔十一年東魏止十五年  
後周共二十五年其置郡當在滅齊後自陳太建



九年五附開皇初年亦止十餘年耳廢置在倏忽  
間無事實可據修武郡則并置於獲嘉縣而修武  
縣固在也

又案前三郡皆有名同而地異者二漢山陽郡屬  
兖州所領則昌邑東緡鉅野瑕邱等縣也北魏山  
陽郡屬淮州所領則山陽左鄉二縣也晉始於幽  
州上谷郡分置廣宣郡則領下洛潘涿鹿三縣北  
魏有涓州廣宣郡領彰新興二縣又有朔州廣宣  
郡領石門中川二縣又北魏修武郡屬南秦州所  
領縣平洛和樹下辨廣長牛爲晉武都郡地漢之  
山陽北魏之廣宣皆事蹟最多易與修武縣之山



陽廣宣淆混茲詳列之

太平寰宇記東魏又置太寧郡後周廢與地形志  
東魏置廣宣郡後周廢恐係一事東魏無幾時似  
不應屢易也又有西南太平鄉芻注云一作郡是  
又有太平郡未知所本

隋曰修武縣屬冀州河內郡

隋書地理志河內郡修武縣開皇十六年析置武  
陟縣太業初併入焉

太平寰宇記隋大業十年又移修武縣於永橋卽  
今武陟縣其城又空復移於今縣東北二十三里

湯鹿故城置



通鑑陳宣帝太建七年注宋白曰隋大業十一年移修武縣於永橋卽今武陟縣

案北史宇文忻傳尉遲迥作亂遣子惇盛攻武陟忻擊走之時隋文帝尙爲丞相而隋書武陟縣爲文帝十六年析修武縣置當時武陟本修武縣地名而後周時尙未析置縣也

唐於縣境置陟州領修武爲緊縣尋移縣治於隋故修武城屬殷州後定屬懷州陟殷懷俱隸河北道

舊唐書武德二年李厚德以縣東北濁鹿城歸順因置陟州及修武縣四年賊平改爲武陟廢陟州以修武屬殷州仍移縣治於隋故修武城貞觀元



年省殷州修武屬懷州

又武德二年於修武縣東北故濁鹿城立陟州四年於獲嘉縣置殷州貞觀元年以修武屬懷州

新唐書修武注緊又注武德二年河內民李厚德以濁鹿城來降置陟州并置修武縣四年徙縣治故修武更修武曰武陟別置修武縣是年州廢隸

殷州

元和郡縣志貞觀元年省殷州依舊屬懷州

府志案舊志云隋唐兩地修武武陟雖採莫辨以爲卽今之武陟則兩志皆統武陟於修武矣以爲卽今之修武則彈丸之地何以有陟州又有修武



又有別置修武郭惟未白以爲淹大業間移修武  
於永橋卽今之武陟城頗爲得之其置陟州并置  
修武者以修武爲陟州附郭也更修武曰武陟者  
今之武陟城徙縣治故修武者今之修武也案如  
舊解則別置修武又在何地郭史謂置陟州乃置  
州於濁鹿城非置於修武城也徙縣治故修武者  
謂陟州旣廢徙新置之修武治於古修武也更修  
武曰武陟者謂改永橋之修武曰武陟也別置修  
武者謂別置於古縣治恐疑廢入武陟故申言之  
非別有一修武也

案前府志附陟州郭語蓋以寰宇記移縣於濁鹿



何五  
城爲據不知樂史亦誤會唐書語意也且如此說  
則更修武三字落空否則又似置武陟於濁鹿城  
矣自以後志說爲是

府志唐武德二年復置修武縣案隋志無廢修武  
明文而以舊唐書置陟州及修武縣新唐書并置  
修武縣語意參之是廢而復置也寰宇記移修武  
於永橋其城又空亦是曾廢之證

又案修武縣治北齊隋唐皆在西修武城自宋迄  
今皆沿舊治也寰宇記所謂移修武縣當是南修  
武隋志曰併入則北修武在其中蓋北修武爲南  
修武分置而地形志南修武注則卽漢河內晉汲



郡之修武時因分置始加南北字別之故知移修武縣爲移南修武也自此後懷州河內無山陽故知山陽亦併入也隋因齊舊後雖暫徙永橋而唐復置於隋故城則知隋唐皆在西修武城也寰宇記云置於廢西修武故城又云濁鹿城在今縣東北二十三里寰宇記編於宋人正與現今縣治合嗣是未聞改易是今縣治卽係西修武城惟山陽城在西北北修武治清陽城卽濁鹿城在東北俱見後漢書獻帝紀而南修武治未詳何地寰宇記謂北齊自今獲嘉縣移修武縣者獲嘉在晉先有後省魏太和二十三年始移治新洛城故曰今獲



嘉縣後八年已入東魏其縣本與修武接壤通鑑  
地理通釋亦曰獲嘉古修武或於復置時割修武  
境入之而廢南修武故東魏別置廣寧郡有西修  
武縣以別於北至高齊併一則縣治有專歸而南  
修武爲漢以來舊治故本其已廢之空名而曰自  
獲嘉縣移修武縣於西修武故後周又因南修武  
之舊置修武郡於獲嘉此一縣糾紛之由也旣置  
修武郡則南修武故地仍入修武縣然何以知其  
地卽南修武則以史記高帝紀小修武注晉灼曰  
在大修武城東其曰城東則相去甚遠今縣東邊  
境在陽驛東五里有小修武城密邇獲嘉又地形



志注南修武有宜陽城恐是宣陽之譌舊志載晉  
河內太守阮德如答嵇康詩有夕宿宣陽城句自  
注宣陽城在小修武西又水經注漢封都尉魏邀  
爲侯國亦曰大修武以解前注修武縣故城句然  
則宣陽當卽大修武而南修武亦卽大修武也本  
秦縣治故漢晉因之其曰大者水經注謂有小故  
稱大小修武城卽郡國志小修武聚蓋近縣民居  
稠密得以附名修武而有城耳又宣陽地居孔道  
是縣治扼要之區縣廢後猶置驛而濁鹿城正在  
其北此北修武所以名核與後漢書形勢相符今  
縣治之沿西修武者亦正在其西故東魏當日以



西爲別凡此皆足爲證然則殷周春秋戰國之甯  
秦之修武皆在其地路史所謂獲嘉有甯城故修  
武大事表所謂獲嘉西有修武故城者說皆可通  
考證者以南修武定高齊以前以西修武定高齊  
以後當不遠矣

五代因之

一統志府志同

宋治平後省爲鎮入武陟元祐元年復爲縣仍舊屬  
懷州隸河北道

元豐九域志懷州河內郡武陟縣有修武一鎮宋  
史地理志懷州修武縣上



金隸河東南路屬懷州沁南軍又析置山陽縣

金史地理志懷州修武縣有濁鹿城鎮一承恩又  
天會六年以與臨潢府懷州同加南字置沁南節  
度使

又興定四年以修武縣重泉邨爲山陽縣隸輝州  
案漢之山陽城在縣西北三十五里非金山陽縣  
治後魏所置山陽郡初治其城後移治山陽城者  
卽移於漢山陽而初治之其城至金大定二年爲  
河平縣三年改蘇門縣貞祐三年升輝州興定四  
年始置山陽縣屬焉竝見金史地理志元史至元  
三年廢縣爲鎮入本州今重泉邨在鄧城之東其



何元 卷一  
北二里許卽山陽鎮俱屬輝縣

元隸懷慶路

元史地理志河北道懷慶路修武縣中

又憲宗六年世祖在潛邸以懷孟二州爲湯沐邑  
七年改懷孟路總管府延祐二年以仁宗潛邸改  
懷慶路

明屬河南省懷慶府爲河北道轄

明史地理志懷慶府修武縣

國朝因之

縣冊中缺衝繁

疆域



太平寰宇記懷州修武縣在東北一百二十里案  
此所記與今縣治合是縣治卽古西修武城之證  
河南通志修武縣管武安驛次衝東至衛輝府獲  
嘉縣五十里西至武陟縣寧郭驛五十里南至鄭  
州滎澤縣九十里北至太行山三十里

懷慶府志修武縣在府治東北一百二十里東至  
衛輝府獲嘉縣界二十里西至河內縣界六十里  
南至武陟縣界二十里北至山西陵川縣界九十  
里今依元和郡縣志例開四至入到仍加詳載驛  
路通行路各地名

正東出東門由東關翠柳鋪王里長屯至萬和鋪



東爲界去城二十里與衛輝府獲嘉縣黃棟隄相接又三十里至獲嘉縣城

正西出西門由西關官驛三里屯曹邨堡楊家樓

馬莊孫邨李屯平陵堡李萬堡至楊莊爲界去城

五十里與武陟縣宣郭驛相接又七十里至河內

縣城

又由西關出西關王官莊平政橋日祖庵張弓鋪楊理莊待王鎮橋南口思邨鎮榆邨新

店黃侍郎口至造甲店爲界去城五十五里與河內沙橋鋪相接又六十五里至河內縣城

正南出南門由南關郭屯武陳邨周劉至王邨爲

界去城二十里與武陟縣龍睡相接又十五里至

武陟縣城

正北出北門由北關西版橋蔣邨魏邨方莊衛衛



審眞慶宮黑石嶺案上子房溝東藏至洪河爲界  
去城九十里與山西澤州府陵川縣雙頭泉相接  
又三十里至陵川縣城

東北出北門由北關朱營東水寨南莊五里源至  
李固爲界去城二十五里與衛輝府輝縣吳邨相  
接又七十里至輝縣城

東南出東門由東關大文案至宣陽驛爲界去城  
十八里與衛輝府獲嘉縣吳相邨相接又三十三  
里至獲嘉縣城

西北出西門由西關王官莊尙樓忻莊張田河馬  
界西邨柿園溝池嶺至交良河爲界去城九十里



與山西澤州府鳳臺縣桃園邨相接又一百三十里至鳳臺縣城

西南出南門由南關南垣小韓邨范莊後董邨紀孟至北睢邨爲界去城二十五里與武陟縣南睢邨相接又十里至武陟縣城

東西廣七十五里南北袤一百一十里東南至省二百三十里東北至

京師一千五百里

星野

附

案二十八宿分野實周地域廣輪則一邑彈丸曾不及星之一度而紛紛臆說者妄也矧大國時犬



牙交錯難析秋豪鹿角挺奔時移故步泥空名而  
忘實土輒曰某國某星衡爾界與此疆仍是可南  
可北矣以郡統縣較易明晰茲采府志折衷之說  
列後亦存其大略云爾

府志案明史修於

國朝確可遵信懷郡之河內修武武陟爲室壁分野  
形勢

河南通志北臨溫峪東抱天門

劉儼新城記地界西北往來之衝



陸龜蒙詩集卷之四

國朝集賢堂詩集卷之四

國朝文獻其大經六

同非突以縣絲綿勉思畏懼效不似志世吏之偏

分封土疆曰某國某邦  
命爾眾興出疆

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor creases and discoloration, characteristic of old paper. A small, dark, irregular stain is visible near the top center of the page. The left edge of the page shows the binding of the book, with some visible stitching or glue. The overall tone is a warm, off-white or light beige.



